

— 357 —

ick da von veruerwen, ab ze niesend oder dehein andern weg,
 so ieman erdenken kan oder mag, vnd wer sin ick kosti oder
 yfanti, oder in neme, oder sich vnderzüge lügel oder vil,
 was das were, das were denne derichte dem rate vnd den
 burgern von Friburg libeklich geuallen, vnd sölten weder
 wir noch vnser erben, noch nachkomen, noch der sich sin vn-
 derzogen hetti, noch des erben oder nachkomen, niemer recht
 noch ansprach me dar zuo gewinnen dehein wise, ane alle ge-
 uerde. Alles das da vor geschriben stat, han wir die vorge-
 nanten herren beide, Graf E vonrat vnd Graf Fride-
 rich sin sun, gesworn stete ze hande gestabt eide zuo den
 heiligen. Vnd were, das got wende, das ich derselbe Graf
 E vonrat, oder ich Graf Fricderich sin sun, oder de-
 hein vnser erben oder nachkomen, deheins dirre vorgeschriben
 dinge gerwe, oder an dehein stuch brechen mit feinen dingen,
 swer das brichet der ist meineide, vnd rechtlos, vnd elos,
 vnd sullen sinu lehen lidig sin den herren, vnd sol sin von
 allem rehte, an eigen vnd an erbe, swie es gelegen ist, vnd
 swas er rehtes darzuo hatti. Vnd ist danne die herschaft zuo
 Friburg gar vnd ganglich den burgern von Friburg lidig
 vnd geuallen, vnd sullen vnd mügen sū denne swenne sū
 went, einen herren nemen swelen sū went, vnd sol der zuo
 Friburg herre sin ane alle irrunge, vnd sollen wir noch ün-
 ser erben, noch vnser nachkomen, an der herschaft zuo Fri-
 burg niemer recht noch vorderunge, nach ansprache me ge-
 winnen, mit gericht noch ane gerichte, mit worten noch mit
 werken, dehein wise bi vnseren vorgeanten gesworn eiden.
 Har über ze einem waren vrkünde, vnd ze einer ewigen be-
 stettegunge, so han wir die vorgeantent herren beide, Graf
 E vonrat herre zuo Friburg vnd ich Graf Fricderich
 sin sun, vnser eigen ingesigel gehenket an disen brief. Dis
 geschach vnd wart dirre brief gegeben zuo Friburg, in dem
 iare do man zalte von gottes geburte drüzeihen hundert iar
 vnd vier vnd vierzig iare, an dem nehsten zinstag nach vnser
 frommen tag der errun.

Siegel unversehrt.